

Date – 03/02/2025

Time - 18:30 -18:40Hrs

REGIONAL NEWS BULLETIN

HEADLINES (EVENING)

1. Tunthla ni 12-a Village Council/Local Council inthlannaa vote zawngin political party hrang hrang ten khaw tinah campaign beihpui an thlak mek.
2. Centre for Environment and Social Justicechuan Mizorama Police Station biak pawh theih mumal a awmlo an ti.
3. Naktipa vote thlak tur Delhi Assembly inthlan atana campaign hun chu wawiin tlai khan a tawp
4. Union Civil Aviation Minister K Rammohan Naidu chuan Asia-a airport lian ber Jewar International Airport, Noida ami chu kumin April thla atangin hman tan a ni ang a ti.

<><><>

POLITICAL PARTY CAMPAIGN

Tunthla ni 12-a Village Council/Local Council inthlannaa vote zawngin political party hrang hrang ten khaw tinah campaign beihpui an thlak mek a,

ZPM General headquarters Party Office chung inkhawm vawiina neihah Home Minister Pu K Sapdanga chuan thusawiin, an hun laia thiltha an tih theih loh zawng zawng ti thei turin an beisei mai ni lovin Sorkarna an chelh laia an lo tih thin anga ti ve turin an duh lo a ni, a ti a, hetiang Eptu Party an nei hi vannei an in ti tak zet a ni, a ti.

Home Minister Pu K.Sapdanga chuan, Kuhva dan lo anga tawlh ruk vengin police te an thawk rim hle tih sawiin, tunah hian Police Duty te helna hi Kawngruk 29 a awm a heng kawngruk te hi Sorkar hmasa atanga an rochun ni a sawiin, kawng tam takah chuan tlawmngai pawlte leh VC ten Sorkar venpuia tlaivar a Duty te pawh an awm a ni, a ti. Pu K Sapdanga chuan Smuggling Kuhva tawlhru te thurualpuia lo tanpui zawk VC an awm tih an hriat thusawiin heng VC te avang hian VC inthlan hi an nghakhlel em em a, inthlan zawh lamah chuan Kuhva tawlhruk pawh hi a tlahniam sawtin an ring a ti a ni.

MNF Siaha District party office hawna vawiina hmanpuitu MNF Senior Vice President Dr.R.Lalthangliana chuan thusawiin, India Constitution Sixth schedule hnuiaia sorkarte - Autonomous District Council chu en hniam emaw ngaihthah chi emaw a ni lo tih hriat thar a tul a ti a, State danga Autonomous Councils neiten an Council dinhmun an ngai pawimawh a, dinhmun sang takah an dah thin tih a mimal ang pawha a hmuhchhuah thar thu a sawi a ni.

Dr Lalthangliana chuan tun sorkar chu Zoram mipuiah beisei thara “Kalphung thar” intiam an ni a, an duhthusam apiang chu duang chhuakin mipuiah an inzuar a, chu kalphung thar chu Zoram mipuiin an han lei ta a, mahse han belhchian chuan a seal pack chu *ISI mark chuang lo* a lo tam si a, mipuiin han kir leh dawn se, a man an lo pe leh laklawh si a, lungsi lo taka kawl an lo ngai ta a, mahse lei nawn leh chu an tum tawh lo tih sorkar hnathawk, neutral leh kohhran ho atangin a hriat a ni a ti. Tun sorkar kum khat leh thla hnih kal mek chuan state budget bak cheng khat mah pawh chhuah reng reng an neih an la hre lo a. Zoram mipui te zirtir nan chung lamin he sorkar hi a pe a ni tih pawm mai a tul a ti.

Vawiin khan Kolasib Congress Block-I Committee buatsaihin Kolasib Venglai-a Taitesena Hall-ah political training neih a ni a, he hun hi MPCC President Pu Lal Thanzara'n a hmanpuiin Pu Lal Thanzara chuan ZPM sorkarin BJP an zawmna leh an thu intiam tawn ang an tih hlawhtlin loh avangin BJP sorkar in a hrek a ti a. Central dawrtu Chief Minister leh Minister te thil hawn chu thlalak thar an neih belh chauh hi a ni, a ti.

Pu Lal Thanzara chuan ZPM sorkar chu BJP duh anga an awm hma loh chuan engmah an ti thei dawn lova, BJP duh anga an awm hun hunah Kohhran rilru an hliam dawn avangin tunah hian tuilairapin a awm mek a ni, a ti.

Congress Party chuan mitin thleng phak ruahmanna NLUP changtlung zawk hmangin Mizoram dinhmun a siam tha leh dawn tih sawiin, eizawna harsatna leh sum vâng lutuk vanga mipuite tawrhna zawng zawng hi thawnthuah an chantir dawn a ni, a ti bawk.

BJP Mizoram State Office, Upper Republic a Karthar Inhlanna leh Political Session hunah BJP Mizoram State Vice President Pu Vanupa Zathang chuan thusawiin Mizoram Sorkar ngei chuan BJP-a inchhunluh mai duhna emaw thawhdunna tha tak neih an la duh hial maithei a ni, a ti a. Hei hi a chhan chu, state rethei tan chuan Central atanga sum lo kal tur a pawimawhin Central sawrkar thawhpui thiam a pawimawh em a, mahni kut ke ngawt chuan kal ngaihna a awm lo a ni a ti. Mizoramin hmasawna tha zawk a hmuh ngei theihna turin BJP chu Mizoram Sorkar hian lo thawhpui pawh ni se Mizoram mipuite hian an hrethiamin a rinawm a ni, a ti bawk.

Pu Vanupa chuan Mizoram ah BJP hmasawna an hmu mek tih sawiin, tunah Chakma Autonomous Dist Council ah pawh BJP kaihhruai Sorkar ah beiseina sang tak an neih avangin, Sorkarna siam a ni dawn a ni a ti.

<><><>

AMVCA

All Mizoram Village Council Association (AMVCA) ten Village Council term pawh tawi anih vanga Mizoram Sorkar an khinna chu vawiin High Court chuan a ngaihtuah zui a, court thutlukna hi tunkar chhunga puan hman beisei a ni.

AMVCA President Pu K Lalngaizuala hnen atanga Akashvani Correspondent thudawn danin Mizoram VC ding mekte term thla 6 chuang zeta pawh tawi anih vanga Mizoram Sorkar an khinna chu vawiin khan Gauhati High Court, Aizawl Bench-ah sawi zawh fel a ni a. Court thutlukna chu reserved ah la dah rihin tunkar chuan thutlukna hi tih chhuah hman an beisei thu a sawi a, Court chuan an hma ngaia thutlukna a siam ngei an ring tih a sawi bawk a ni.

<><><>

CESJ

Centre for Environment and Social Justice chuan Dan leh thupek kengkawhtute inthlahdah thin chu pawl antih thu sawiin Mizorama Police Station biak pawl theih mumal a awmlo an ti.

Vawiina Aizawl Press Club-a thuthar thehdarhtute an kawmna ah he thu hi sawiin CESJ General Secretary VL. Thlamuanpuia chuan Mizoram puma police station 54 awm te chu biak pawl tumin ni engemaw zah chhung hma an la a, heng zingah hian Police station pahnih (2) chiah an biak pawl theih tih a sawi a, Police station biak pawl theihna atan hian, station officer incharge (OC) te personal phone number hman a nih thin thu leh OC te transfer an nih hian station biak pawl theihna number tarlan thin chu update a nih ngailoh thu sawiin hetiang mimal cell phone/personal contact no, police station biak pawl na tura hman hi thil diklo a nih thu a sawi a ni.

VL. Thlamuanpuia chuan CESJ in tun hnaiah khawtlang leh veng duty ten misual nia an ngaih leh rinleh an man thinte chung a chet dan avangin, Mizoram mipui thinurna cho chhuak tualthihna a thlen thin thu leh hetiang thil hi tunhma pawha a thlen fo thin thu an sawi a, Heng thil thleng hian Mizoram hi dan pawisaklohna -'Lawless Society' a nihzia a tih lan chian bakah sawrkar chu dan kenkawh kawngah a hlawhchham hle a ni an ti a, The Mizoram Police Act, 2011 hnuiaia "Chapter-VI Policing in Rural Areas and Village Police System" in inkaihhraina dan a siam leh kalpui dan tur a duana dan awmsa pakhat mah zawm a hlawh lo chu CESJ chuan pawl an tih thu an sawi bawk.

<><><>

COMMERCE & INDUSTRIES DEPT

Commerce and Industries Department chuan Mizorama Investment ti duh ten awlsam taka sawrkar phalna an hmuh theih nan Ease of Doing Business - Single Window Clearance Authority hmalakna chak takin a kalpui.

Kar kalta zirtawpni-a Chief Minister hoa Review Meeting an neih ah he thu hi tarlan niin Draft Mizoram Investment Policy, Draft Mizoram Procurement Preference Policy te chu buaipui mek a nih thu an sawi a, Logistic Policy hnuiaiah study team din niin Mizorama Investment ti duh ten awlsam taka sawrkar phalna an hmuh theih nan Ease of Doing Business - Single Window Clearance Authority hmalakna kalpui mek anih thu an sawi bawk.

Commerce and Industry Department chuan Mizoram Special Investment Zone changtlung tak din tur leh Industrial Land Bank nei tura hmalak mek anih thu an sawi a, Employment Generation Hub din tum anih thu sawiin PM Vishwakarma leh MSME kaltlanga hmalakna dang tam tham tak an kalpui tih an sawi bawk.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

DELHI ELECTION

Naktipa vote vote thlak tur Delhi Assembly inthlan atana campaign hun chu vawiin tlai khan a tawp. Campaign tawp ni vawiin khan Political Party hruaituten ngawrh takin tan an la a. Roadshow, door to door campaign, press conference leh vantlang inkhawm hmangtein an campaign a ni.

BJP hruaitu senior leh Union Home Minister Amit Shah chuan vawiin khan Jangpura-ah thu a sawi a. Delhi-a AAP sawrkar chuan mipuite a bum nasa hle niin a puh a. Kum 10 an sawrkar chhungin eiruknaah an fihlim lo a, tui an ti bawlhhlawh nasa hle niin a sawi bawk a ni.

AAP hruaitu leh Punjab Chief Minister Bhagwan Mann leh AAP Convenor Arvind Kejriwal te pawhin vawiin khan hmun hrang hrangah campaign-in hun a hmang a. Congress hruaitu Devendra Yadav chuan an sawrkar ngei dawn niin a sawi a. Congress Party chuan mipuite tan theihtawpin a thawk thin a ni a ti.

Puan tawh angina Delhi Assembly ah hian seat 70 a awm a. Candidate 699 awmin vote tla te hi tunkar Inrinni February ni 8 ah chhiar a ni ang.

<><><>

MOTION OF THANKS

Vawiin atangin President Draupadi Murmu-in Parliament-a a thusawi chungchanga lawmthu sawina motion chu Lok Sabha leh Rajya Sabha-ahthe sawiho tan a ni a. Lok Sabha-ah chuan BJP MP Ramvir Singh Bidhuri chuan Narendra Modi-a kaihhruai sawrkar chuan mipui nun chawikan nan scheme tha tak tak a kalpui te a tarlang a ni.

Rajya Sabha ah pawh BJP MP Krian Choudhry chuan sawrkarin loneitute sum lakluh a leta tipung tura hma alakna te a tarlang a. Opposition te chu sawrkar do zawngin thu belhchian dawl lo thehdarhah a puh a ni.

<><><>

AVIATION

Union Civil Aviation Minister K Rammohan Naidu chuan Asia-a airport lian ber Jewar International Airport, Noida ami chu kumin April thla atangin hman tan a ni ang a ti.

Vawiin khan Rajya Sabha-ah zawhna chhangin Pu Naidu chuan ruahman angin engkim a kal thei tih sawiin nikum December thla khan thlawhna thlawh tir chhin a ni tawh a ti a. India chu khawvel aviation lamah a hmahruaitu anih thu sawiin thlawhna 800 chuang Indian aviation hnuaiah an thlawh mek thu a saiw a. Tluang taka hnathawh anih theih nan mihring chher kawngah pawh tan lak zel a ni a ti bawk.

<><><>